

	Akuersisoq :	Naqqissorneqarpoq uannga :
Dokument ID :	Issued :	Versioni :
Kapitali :		Qupperneq : 1/2

-

## **Isumannaallisaanermut avatangiisillu illersornissaannut politikki**

### **Aallaqqaasiut**

Royal Arctic Linep pisussaaffigisaatigut ersersinneqarpoq pisortanit pigineqarluta aktiaateqarluni ingerlatseqatigiiffiusugut, ingerlatseqatigiiffiup piginnittuinit taamatullu aamma inuiaqatigiinnut sullitatsinnut sapinngisamik annertunerpaamik naleqalersitsinissamik siunertaqartoq. Ingerlatseqatigiiffiup pingaarnertut suliaassaa tassaavoq nunatsinnut nunatsinniillu aamma nunatsinni illoqarfiit nunaqarfiillu akornanni nassiussanik imaatigut assartuussinissamik qulakkeerinninnissaq. Tamannalu piginnittutta pingaarnertut periusissiaannik tunngaveqarpoq, tassalu ingerlatseqatigiiffiup piffissaq qaninnerusooq ungasinnerusorlu eqqarsaatigalugit inuiaqatigiit ineriartortinneqarnerannik sapinngisamik pitsaanerpaamik ikorfartuisinnaanissaa.

Royal Arctic Line naleqalersitsinissamik suliaqarnermi suleqataaffigisaa tassaavoq nunatsinnut, nunatsinnit nunattalu iluani assartuussinermut aqqissuussinermik nutaaliaasumik sunniuteqarluartumillu pilersitsinissaq.

Avatangiisit silallu pissusiata illersorneqarnissaat immikkoortuuvoq pingaarutilik, aamma avatangiisinut silallu pissusianut suliaasaqarfimmi nunami namminermit nunanilu tamalaani politikki umiartornermut sunniuteqartupilussuuvoq. Taamaattumillu CSR-imut tunngatillugu suliaasaqarfimmi suliniutigisartakkatta ilarujussua tassaavoq suliffeqarfiup ineriartortinneqarnerata silap pissusianut avatangiisinullu tunngatillugu pijuartitsinissamik tunngaveqarnissaa, soorlu aamma aqqissuussinerup ingerlanneqarnera issittumi avatangiisinik pingaarnertut ingerlataqarfigisatsinnik immikkut mianerinnittumik ingerlanneqartussaasoq.

Ingerlatseqatigiiffittut nunarsuaq tamakkerlugu assartuussinermut aqqissuussinermik kivitsiniarnitsinni imarsiornermut suliaasaqarfimmut tunngatillugu isumaqatigiissutit, kodet malitassallu nunani tamalaani aalajangersarneqartut iluanni ingerlatsisussaavugut, tassungaa aamma ilaallutik imaani isumannaallisaaneq, imaani mingutsitsinermik pinaveersaartitsineq, tamatumunngalu ilanngullugit recycling, fuel oil management, imarsiornermi isumannaarinninnissaq, imarsiortut piginnaasaannut piunasaqaatit atorfeqartitaanermilu pissutsit kiisalu nassiussanik isumannaatsumik assartuinissaq.

### **Siunertaq**

Matumani Politikki aqutsinermut tunngavissami pingaarnerusumi Royal Arctic Linep isumannaallisaanermut avatangiisillu illersorneqarnissaannut aqqissuussinermi nassaarineqarsinnaasumi nassuiarneqarpoq, Umiarsuaatileqatigiiffiup ingerlanneqarnera kiisalu umiarsuarnik isumannaatsumik ingerlatsinissamut nunani tamalaani najoqqutassat atuuttut immikkut ukkatarineqarlutik. Aqqissuussineq pineqartoq ulluinnarni SMS-imik taaneqartarpoq (Safety Management System).

Suliffeqarfissuup isumannaallisaanikkut avatangiisinillu mianerinninnissap qaffasissuunissaa anguniarlugu, aammalu suliffeqarfissuup politikkiinik allanik nunami aamma imarsiornermi sulisunut immikkut nassuiaateqarfiusut naammassinissaannut isumannaallisaanermi aqutsinermut aqqissuussinerata sulisunit akuutinneqartunit tamanit malinneqarnissaa politikikkut qulakkeerneqassaaq. Taamaattumillu Royal Arctic Linep anguniagaraa isumannaallisaanermut

	Akuersisoq :	Naqqissorneqarpoq uannga :
Dokument ID :	Issued :	Versioni :
Kapitali :		Qupperneq : 2/2

-

avatangiisillu illersorneqarnissaannut aqqissuussineq pitsaanerpaamik ingerlassasoq piffissamullu naleqquttuussalluni, taamaaliornikkut inuit, avatangiiserisat naleqartitallu allat navianaateqarsinnaasunut sulinermullu atatillugu ajoqusertoqarsinnaaneranut allanut qulakkeerneqarnissaat siunertaralugu.

### **Periusissiaq**

Sulisut tamarmik suliffeqarfissuup SMS-ianut akuutinneqarnissaat, pisariaqartunik piginnaasaqarnissaat nalorninaateqartunullu paasineqartunut tamanut illersuinissamut iliuusissanik pilersitsinissamut kajumissuseqarnissaat Royal Arctic Linep ingerlaavartumik qulakkeerniarpa, taamaaliornikkut suliffeqarfissuup piareersimajuarnissaa qulakkeerniarlugu ajornartoornermillu pisoqassagaluarpuqut piginnaasaqarfiulluqartumik qisuariartoqarsinnaanngorlugu.

Aammattaaq piffissaq ungasinnerusoq eqqarsaatigalugu anguniagaavoq Umiarsuaatileqatigiiffiup nutaanik umiarsuaatitaarnermini atortorissaarutinillu allannguinermini eqqakkanik allanillu aniatitsineranut tunngatillugu ingerlatseqatigiiffiup avatangiisinut tunngatillugu isigineqarneranik pitsanngorsaanissaa.

Politikkimi periusissiamiluunniit qulaani allaaserineqartumi suulluunniit nunami namminermini nunanilu tamalaani inatsisinik malittarisassanillu atuuttunik unioqqutitsissanngillat.

Nuuk, septembarip 29-ani 2023.

Pisortaaneg  
Royal Arctic Line A/S

Niels Clemensen

Pisortaanerup tullia (sinniisussatut)  
Royal Arctic Line A/S

Aviâja Lyberth Lennert

Innersuussinerit

SMS ;

[02.01.01b SIKKERHEDS OG MILJØBESKYTTELSESPOLITIK bilag \(med underskrift\)](#)

[03.02.02 REDERIANSVAR](#)

05.01.01 SKIBSFØREREN

06.02.02 ALKOHOL- OG NARKOTIKAPOLITIK, MARITIMT PERSONALE

06.03.14 BEHANDLING AF KLAGER OM BORD

MPS ;

01.03.00 MARITIM PERSONALEPOLITIK

01.16.00 RYGEPOLITIK

01.18.00 IT - POLITIK

01.19.00 SEX-CHIKANE

[01.22.00 - WHISTLEBLOWERORDNING](#)